

Mvù Pôl dé jomò mé bò Yeésò bò ké Tesalonîk

Bèh bieê

¹ Né mè Pôl mé Silvên bò Timotê nyagá njií né mé bòn bìi ké Tesalonîk, bí bòó mé né gi beè Tele beèh Càn bò Fehtoò beèh Yeésò *Kristò δοῶν.

² Tele beèh Càn bò Fehtoò beèh Yeésò Kristò a, kúlú bí, bó haá bí dolê.

Lòu ju tenâ

³ Bò nùàr mò, béh vrà lòm Càn felè bìi, béh té sòn dù. Mò béh né ménâ boó, sâ né teèn yilá. Lòu sam, bí né temé cén kwaá ngulí huóóm, né tetoò yaám ndeé; gwaân mé dé kàn né mbeí lètenè bìi gwaán doò né naŋ ndo.

⁴ Béh mé yilí bìi te bòn bò Yeésò bò bèh δοῶν hên punó go né mé njéh. Gèh sieè mé bí né lom mé temé cén sie huóóm sâ né бага dé gècên. Bó né mene bí teèn bunó, bó né mene bí gèr feh keéh, mé njéh mene bí temé teèn sòm ngwéh; béh hên punó go né mé njéh.

⁵ Bí né ménâ yoló, te ŋené yuo kelà teèn, ye Càn ju tena yií né teèn, wa dé *Lò Càn yilá bí nde né wulú ma. Lòu sam, bí dà m gèr hên yoló laré né felè Lò Càn sâ.

⁶ Yila né teèn ndo. Càn bò njèh δοῶν boó gi nde né te ceér-e te ceér-e. Bòó mé né bí gèr feh keéh hèllè, à nde né bó gèr sâ horó haá cuú,

⁷ te bí bòó mé né gèr ñené, kwa seér cu dù kɔ́ó. Béh nde né ménâ kwa ndɔ́. À ndeè mân bòó nde né lòu mé Fehtoò beèh Yeésò cuù nde né teèn.

Lòu sâ à ndeè né ké te vulúu ñené yuo kelâ, à nde né mé bòn bò cìlì seèn dé tetarê jomo,

⁸ à wa ndeè né te leba weè, te à weh bò Càn-kó seé, à nde né bò tàn-tie bò seé ménâ weh ndɔ́. Lòu sam, bó temé te Njàgà Bagaà Fehtoò beèh Yeésò kwá njií ñgwéh.

⁹ Bó nde né te gèr dé nyèmà mé nyèmà nyoló le, bó leba den gèr ké ndón-ndòn, bó dé bòn *sùsùm Nùà Dueè yoòr bòn ñgwé ndé cú, bó te ñgùlù seèn-e yílá nyi ndé cú ndɔ́.

¹⁰ Mo à ndeè baá lòu sâ cuù, bò dé seèn nde né bú seén; bòó mé né gi temé yoòr seèn kwaá njií dón nde né mé bú *sumú kuú. Lòu sâ bí dón, bí nde gi né lètenè bò sâ bò ndɔ́. Lòu sam, ñgòr Càn mé béh lé naâ bí tueé doô, bí né temé teèn kwaá njií.

¹¹ Béh Càn felè bìi cu dón hèn dua den né dé cì. Béh ye Càn a, bó te bí den komo dene jéjêg mé à né bí mé njéh yílá doô. Béh ye bú a, kúkùr seèn à há bí terreèb teèn, te bí bòó komo bagaà mé bí né gwaán doô; bò seé mé bí bòó né mé yílì seèn dón, bú a, nyén ñgúlì gí bó nyeèn ndɔ́.

¹² Mo né mân, sâ yílì Fehtoò beèh Yeésò nde né felè bìi lieé ñagá, bí nde né mé bú lieé nyegé ndɔ́. Bò njií hèn dón Càn bô Yeésò Kristò Fehtoò beèh nde né mé húóm-temé bòn dé lòu bòó gí.

2

Loù mé Fehtoò beèh cuù nde né teèn

¹ Mè dé kènê tueé nde aá felè cieé mé Fehtoò beèh Yeèsò *Kristò ndeé né teèn cuù, mé béh nde né toò seèn bilí gií ndò. Béh né bí bɔɲ, kúkùr bìi bò nùàr mò,

² bí té kèkòg dèn; càɲ a té bí lè mbaá téné kú. Bò nuaré dèi né mene tueé ye bí a, cúcuí ye bó a, Fehtoò beèh cu gií aá kèn, bí téé gwàn ye. Bó né mene ɲgòr Càɲ ménâ se, bó né mene mvù dèi jané, ye bí a, béh nyagá naâ ménâ kɔó, bí té lòm gwàn; feh a, té bí ter mbaá ɲéllé kú.

³ Bí té gwàn mé nuaré dèi bele bí felè cieé sâ lòu.

Mé cieé bú sâ ndeé dé seèn waâ, kɔ veèn bò nùàr baá furú, bó baá Càɲ taáb saán; kɔ mèi bò jéré-temé bò ndeé ɲené ɲaga baá bèsóɲè, sâ ye. Né nùà yílá-beè bòn.

⁴ Nùà jéré-temê hèllè nde né Càɲ yoòr yuo njebá, ye bò nùàr a, té bú dùà, bó té njeré dèi dùà gò. À nde né Càɲ felè njebá tená, ye nyí né bú yɔgɔ. Dé sâ gí lòm ndé ɲgwéh, à nde cu né mé njéh ké *gwà Càɲ koò lɔgɔ yílá bilí, à nde mela den te kɔgɔ, ye nyí né Càɲ nùà njéh sâ.

⁵ Á, ɲgweéh cu mé béh bí lé naâ kɔó, mè lé naá gií bí ménâ tueé ndò wa? Bí dé sâ múnò kó cú á?

⁶ Mé njéh mene, dé kènê à née mé ceér sam ye, njeré dèi né bú toò lalé tená, kɔ cu mé Càɲ lé sie kwaá naâ sâ ndeé waà baá kɔó, sâ ye; bí né gi ménâ kɔó.

⁷ Cí gí cégé ngwéh ndo: bó née mene bú beè ménâ sie kwaá, terreb jéré-temé seèn hèllè né doó naáb ɲo den, né lom mé seé yieé ndeé. Njèh cén, bú nùà njèh nde née wá ngwéeh ye, kɔ nuaá mé sie kwaá né bú beè sâ ndeè sɔm aá yo, sâ ye.

⁸ Cu sâ meì bò jéré-temé bò hèllè nde né cie ɲené ɲagá, te Yeésò Fehtoò beèh ndeè weh nyegé ye bú seé: à nde né bú mé ndândaà cúcuì mbaá fulú wulá sɔm, te ɲjènjàn ɲagá seèn nyoló sɔm weèh ye bú.

⁹ Mo tájéré hèllè ndeè baá cie ɲagá den, à nde né njágá mé terreb *Sátàn sieé: à nde né bò njèh kèkèné hihiné bɔ́o bele; bò fém mé bò ciè nyenyenê nde né cie bomó sue,

¹⁰ te à bele kwa bò nùàr teèn. À nde né jomo veèn mé nòmò hihiné kelá, te à bele kwa bòó mé nde né leér le mé njéh. Lòu sam, gècèn mé sé né bó yili sɔm, bó temé teèn kwá ɲí ngwéh; bó bú gwàn ngwéh ndo.

¹¹ Càn yeé ɲene aá ménâ, à bó terreb mangelɛɲ mbaá hèn tema ɲíí seér né mé njéh, te bó gwaán kela seér bò njèh dé gogobô sâ ndo.

¹² Sé yeé baá môn, te bòó mé gècèn gwàn bèh doón yila gi beè. Veèn seèn huɔm kela né bó yoòr kɔ́o nɔ.

Bòó mé Càn nde né yili sɔm

¹³ Bò nùàr mò, bí bòó mé Fehtoò beèh né bí gwaán hèn, béh né lom Càn felè bìi vra dé gècèn. Yila né teèn ndo. Lòu sam, Càn lé naâ bí balé kwaá, sâ wón née sam ye, ye te bí ndeè yili yuo faá bèh mân, bí ɲa bò dé nyí. Bí bò dé seèn ɲa

né mé terreb Cúcuí Nagâ bô temé cén mé bí né te ngòr gècèn kwaá njií doô.

¹⁴ Càn lé bí yilá naâ mé njéh; lé naâ mé Njàgà Bagaà mé béh lé seé naâ bí doô, ye te bí yila ké bèh *sùsùm Fehtoò beèh Yeésò Kristò.

¹⁵ Mò né mân bò nùàr mò, sâ bí húné lòm nɔ́ɔ́, bí kwaá njií temé te tabó mé béh lé naâ ngweé, béh feh keéh cu bí doô; bò déi béh lé tueé naâ bí mé feh, bò déi béh lé bí nyagá naâ lòu; bí kwá njí temé teèn nɔ́ɔ́.

¹⁶⁻¹⁷ Fehtoò beèh Yeésò Kristò mé feh seèn bô Tele beèh Càn a, siè nyégé bí. Bó gwaán né béh kɔ́, bó cu doóɔ́ toó nyégé né béh kɔ́, bó temé beèh ter jɔ́ɔ́ kwaá né kɔ́; doóɔ́ né gi mé húóm-temé bɔ́n. Bó a, tó nyégé bí, bó haá bí terreb, te bí bɔ́ lom bò njèh bebagaà, bí tueé nyégé ngòr sònò bagasé ménâ ndɔ́.

3

Pôl ye, bó dùà Càn felè nyí duaà

¹ Bò nùàr mò, mè tueé lo né ye bí a, bí dùà kéh béh Càn teèn, te ngòr Fehtoò beèh sela yam nde bèh doóɔ́ kukwar, te lie faá lé lie huòòm naâ ké lètenè bìi nɔ́.

² Bí dùà cú bú, te à mvelé sɔ́m béh beè bò jéré-temé bò teèn, wanɔ́ɔ́ né bò vevenê bò. Ngòr Càn mé béh né se hèn, bò nùàr bú doóɔ́ gwàn làrè ngwéh.

³ Mé njéh mene, Càn né den ka te be sâ. À nde né bí terreb haá, à nde né bí kurú nyégé, te veên bí kè mà cú.

⁴ Béh né kwàgà biì mé yilí Fehtoò beèh yieé, ye bí né yeé bɔ́ɔ́, bí nde cu né mé njéh faá béh lé tueé naâ bí nɔ́ bɔ́ɔ́ ndeé den.

⁵ Fehtoò beèh a, lè mè nyégé bí temé lè, te bí gwaán ɲeí cu Càɲ dé gwaân, bí yolo komo njéh faá Yeésò *Kristò nɔ́.

Pôl ye nùà kàn a, bó seé

⁶ Bò nùàr mò, béh tueé né bí mé yilí Fehtoò beèh Yeésò Kristò, ye bí a: bò Càɲ bò mé né dene fùòb bɔ̀òn den dɔ́ɔ́ɲ, bí bó té bècénè dèn bilí, bò sâ bò tabó mé béh lé naâ bó feh hèn bèlè ɲgwéh.

⁷ Dé biì, bí né gi gule beèh kɔ́ɔ́, bí gò bèlè teèn. Lòu sam, léi mé béh lé naâ lètenè biì, béh lé bò fùòb bò ná ɲgwéh.

⁸ Béh lé gùm beèh beè nuaré déi yì ló ná ɲgwéh, ye te à koó den béh dé lòu. Béh lé tema seér cuù naâ seé dé temâ, béh tema bilí seé mé cibitenè mene. Sâ dɔ́ɔ́ɲ béh ye te béh nuaré déi lètenè biì seé beè há cú.

⁹ Lé túé ná ɲgwéh, ye sâ béh mé ceér yâb sam cuú; dé sâ ndóg ndɔ́. Béh lé ménâ tema seér naâ, ye te bí ke weh teèn, bí bele gule beèh.

¹⁰ Béh lé cie ké lètenè biì tueé ɲaré ɲjií naâ dé cî, ye bí a: nuaá mé seé gwàn ɲgwéh dɔ́ɔ́ɲ, bú a, té yâb sònò nágá kéh ndɔ́;

¹¹ wanɔ́ɔ́ɲ bó ye béh a, bò nuaré déi né ké lètenè biì teèn, bó né léláɲ fùòb mbaá ɲgolé gɔ́; wa seé bɔ̀òn né lom ɲgòr bò nùàr hua weèh sé wa.

¹² Mé yilí Fehtoò beèh Yeésò Kristò, béh né mé bò sâ bò tueé ɲjií, ye bó a, bó témá lòm seé nenɔ́ɔ́ɲ, te bó koó feh bɔ̀òn mé be bɔ̀òn ma.

¹³ Béh né mé bí tueé njií ndo, bò nùàr mò, bí té be dù, bí bó dèn bagaà cu dɔ́ɔ́ɔ́.

¹⁴ Ndéb mé béh né lè mvù hên leéb kwaá, mɔ nuaré dèi tie teèn féla nji ngwéh, bí kè bú keè, sâ bí gè lòm mé ceér seèn nɔ́ɔ́ɔ́, te à gulí kɔ.

¹⁵ Bí té bú cu sâ faá nùà bònò biì nɔ wèh ndo, bí fèh sér bú lòu, ye né nùàr biì.

Bèh cerê

¹⁶ Nùà Dueè mé kulu dɔ́lé yeé njèh kɔ́ɔ́, bú a, kúlú dɔ́lé nyégé dèn bí mé gèh kulû hihiné cu dɔ́ɔ́ɔ́. Nùà Dueè a, dèn mé bí dɔ́ɔ́ɔ́!

¹⁷ Mè bie aá bí, né mè Pôl, mè bèh hên nyagá né mé be mò. Hên né be mò, te mvù mò dɔ́ɔ́ɔ́ mè jege gi né mân.

¹⁸ Húóm-temé Fehtoò beèh Yeésò Kristò a, ká siè gí bí beè dɔ́ɔ́ɔ́.

Mvù Ngòṇ Feê
Mambilla NT (Cameroon-Le Nouveau Testament en
mambila)

copyright © 2001 Wycliffe Bible Translators, Inc.

Language: Cameroon Mambila

Contributor: Wycliffe Bible Translators, Inc.

All rights reserved.

2025-05-13

PDF generated using Haiola and XeLaTeX on 13 Dec 2025 from source
files dated 13 May 2025
f0e8e7ba-c2cf-57f7-9a60-8ff0e792e158